

# 北洋官報

目錄

宮門抄 上諭 交旨  
 奏議○魯撫孫奏釐定直省官制謹陳管見摺  
 摺片十四則  
 公讀○蘄州票一件△肅甯縣票一件△雄縣詳一件  
 文告二則△畿輔四則△各省六則△各屬六則  
 彙編○順直諮議局陳請案△河南諮議局議決案  
 己酉官報目錄  
 圖畫○日本東京慶田之圖

本 日 增 刊 己 酉 官 報 目 錄 一 頁  
 本 報 今 日 加 印 照 片 一 頁

本局法政官話報第三十九期現已出版仍照舊例分發順直各州縣作為宣講之資特此廣告

## 宮門抄

正月十八日 山西布政使志森假滿請 安並請 訓 新授河南遺缺知府徐承焜謝 恩 莊王

遺摺 江春霖呂海寰等各遞封奏一件 召見 召見軍機 澤公 志森 徐承焜 克王戴鴻慈各遞

## 上諭

正月十八日內閣奉 諭克勤郡王樹杰承襲王爵入直當差前因患病開去差使賞假調理茲聞溘逝軫惜殊深著賞給陀羅經被派

上諭協辦大學士尙書戴鴻慈忠清亮達學識闕通由翰林學掌文衡洵清要擢任正卿均能恪盡厥職考察政

治尤能抉擇精微有裨憲法朕御極後優加倚畀俾參機務晉協綏屏夙夜靖共深資璧畫前因偶患微疴賞假

調理方冀醫治就痊長承恩眷遽聞溘逝軫惜殊深著賞給陀羅經被派貝子溥倫帶領侍衛十員即日前往奠

醴加恩賞加太子少保銜照大學士例賜卹入祀賢良祠賞銀二千兩治喪由廣儲司給發任內一切處分悉予

開復應得卹典該衙門查例具奏靈柩回籍時沿途地方官妥為照料伊子一品廕生戴曾諤著以郎中補用

示篤念盡臣至意欽此

上諭徐世昌著以郵傳部尚書協辦大學士欽此  
上諭內閣學士吳郁生著在軍機大臣上學習行走欽此  
上諭前據御史江春霖奏恭慶親王奕劻一摺習牽涉瑣事羅織多人朝廷早鑒其謬妄其中謂陳夔龍為奕劻之乾

女婿朱家驊之子朱綸為載振之乾兒尤屬荒誕不經當即諭令明白回奏茲據覆奏率以數十年前捕風捉影  
之事及攻訐陰私之言皆屬臆說無確據恣意牽扯謬妄已極國家設立言官原冀其指陳得失有裨政治若如該  
御史兩次所奏實屬蕪言亂政有妨大局親貴重臣固不應任意詆誣即言官外大臣名譽所關亦不當輕於污蔑

上諭湯壽潛奏父老且衰勢難就養懇請開缺一摺江西提學使湯壽潛著准其開缺欽此  
上諭湖南永州鎮總兵員缺著馬文翰補授欽此

交

旨

正月十八日 軍機大臣欽奉  
諭旨呂海寰等奏酌擬中國紅十字會試辦章程請立案一摺著派盛宣懷充紅十字會會長餘依議該衙門知道  
欽此

奏議錄要

山東巡撫孫寶琦奏釐定直省官制謹陳管見摺

奏為明年釐定直省官制謹陳管見以備 採擇恭摺仰祈 聖鑒事竊維析疆分治古今所同而分權集權  
義各有當各國地方官吏凡在中央集權之最重者皆受監督於內務大臣與漢之以御史中丞總領州郡奏事用  
意不殊而用法特密其在地方分權之最重者則直別立政府如元之行省規模擬於中書如美瑞之聯邦英法德  
之屬地或因歷史之發達而組織殊或因形勢之禁格而權限異類皆自為制度儼具獨立自主之資格惟普國每  
省有省長代表內部其職獨尊常與國務大臣互調猶唐宋宰相之出領府州而其權則多用於非常特別之事諸  
司守令各有獨立責任權限分明不相侵越集權分權輕重最為適均中國封域遼闊統攝甚難歷代成法每假方  
面之權以集事而遣巡方之職以詰奸控御則務指臂之相聯撫循但求安輯而不擾教養之政放任實多今憲法  
將頒出以漸啟政府之於封疆官吏之於議會關係迥與昔殊昔多消極之防制今為積極之進行百廢俱興萬端  
待理出以漢唐簡靜之治恐抑社會發達之機而歐美各國之集權分權則又意有可師法難盡適彼縮四境於戶  
庭我隔各省為畛域既不能一部之精神周察萬里亦豈可委一人之節度專制百城尤宜博采中西之宜鎔成  
一代特別之制臣辱遭 聖明忝膺疆圉受任以來悉心研究竊見今日地方制度之害莫甚於督撫虛擁泛博  
無限之權而每舉一事又輒支絀扞格無貫澈始終之實力集權分權兩失所當夫控御無萬全之策也唐宋之季

內外輕重之勢其失各有所偏惟教養兼修政和民樂而國本始固是富強之業尤當望之州縣親民之官漢唐令長之選最重而致治以隆五代令長之選最輕而召亂斯極臣愚以爲一省之權寄於督撫地方之政起於州縣二者實當並重故集權分權必以督撫爲機軸而歸納於中央國政民政必以州縣爲本根而裁成於知府督撫州縣兩官之權限責任既明然後大之司道之類事分職小之佐貳之補助其長一切據之以定界劃明年將定直省官制謹就臣管見所及擇其要義敢爲我 皇上陳之 一確定督撫權限特設責任專法以絕牽制軍興以來頗假督撫便宜職權廣狹已非舊制近十年中又益寬大用財用人每邀 曲允本爲時局艱危取資共濟而成功甚少流弊轉多論其人豈盡營私考其事非必失策而人有更調宗旨遂歧事無始終條理易亂是非功過究詰難明今宜爲督撫特設權限責任專法分執行監督爲兩大綱執行權限約爲四端稟承 廟謨者以 諭旨

臨時特定爲斷依據法令者以法令成文及新舊典制例案爲法令所認可者爲斷受之政府命令者果有空礙許其陳論而受事之後不得推諉政府勿掣其執行之權督撫有維持政策統一之責出之督撫建白者規畫之初預立經緯既經政府許可即以全權委任行之設或不符合原議必須聲明理由非有確據不得自卸責任以上數者各定專條其監督權限則有直接間接之分直接監督權行於司道知府正印長官者考核勤惰舉劾功罪必據列實迹公行賞罰而勿侵其職任行於直轄之職如督撫幕職者奉命承教分曹治事仍由督撫自負責任不得諉過其

下以自解間接監督權行於司道知府所屬副貳之職者考察各由其長但加覆按補署總歸一司不得侵越如有枉法徇情則付行政裁判所公斷行於各部所附設及兼轄官廳者各依定章所委任之範圍惟州縣職重秩卑不能不受兩重監督則直接間接之權皆所必及至監督地方議會用權自當別論其他凡在權限之中皆爲責任所在對於 諭旨之責任則刑賞出自 聖恩對於法令之責任則懲戒必付 廷議其與政府政策不合與地方人地不宜去職固出 宸斷辭職亦准自請要使議事之人不敢輕率任事之人不敢巧遁局外之人不敢妄持短長局內之人不敢故存意見則地方之政畢舉而 朝廷之權愈尊其司道以下地方官吏又宜有通行職權法普國日本可參用之例甚多而與吏部處分則例迥乎不同職權既變則處分例亦宜刪改而督撫有特別責任尤不可用通行處分例其責任等法皆務取簡明持其大體科條太繁反與事實矛盾而規避以生今言集權分權者但防制度之偏而不知操縱運用之妙全在責任法中責任果明未有不能統一者此立法之精意不可忽略者也 一申明司道職守俾各有獨立責任而後督撫任事之範圍可以收縮裁局所併入各司道增設參佐改差爲

缺而後責任職權法可以實行蓋督撫總制方面要在振綱挈領範圍過廣任事之能力轉薄而其任事範圍與司道職守最爲密接督撫特權之事固非司道所能問而司道主管之事莫非督撫所應知故就督撫任事範圍以定

界限不如專就司道職守以設防維司道職守既明則督撫任事範圍自縮然後以司道所不能任者包括督撫範圍之中其最要者各有獨立責任乃能不失其職定制司道本得專摺奏事今事無大小輕重非經督撫不得奏咨乃至例行公牘疲於畫諾簿書執掌叢弊愈深固由督撫攬權亦實司道責任不能獨立以漸釀成至此近年局所益多委員益濫司道之權益削督撫樂委員之可以更調自專指揮惟意當軍興事變之際誠可收震厲敏活之功而豈可以爲常制改正之法宜裁局所以其職分歸司道或督撫幕職而改差爲缺卽續訂官制通則第五條督撫徵辟之官既分別奏咨隨時保薦已無異以實缺待之而布政司職務太繁實非一人所能兼顧今擬定職制分布政爲民政度支二司與提學提法勸業巡警爲常設司道其有河防鹽茶關稅者則爲特設司道司道職守各於職權法中分別條列民政度支事較複雜且多與他司相涉而性質最易辨識則以類記括之總以明白詳盡爲主以上皆爲專務長官各員獨立責任而統受監督於督撫督撫增設幕職司道改設屬官續訂官制通則已有專條臣竊以爲就現在情形而論督撫幕職固非十科不能盡事若欲實行法申明司道職守惟交涉軍政爲督撫專責其餘應歸司道主管擬請設交涉軍政兩科此外只設統計一科蓋民政張弛財力盈耗教育盛衰實業增損謀事者所資以立計畫者也定籌策規遠大督撫之責也遵法令核名實司道之任也三科所不盡悉隸秘書而以秘書爲幕職之長別設庶務長以主雜務並管全署人役司道各設副官一員上佐其長下爲屬官之首領如秘書員而分科設額應參酌現行規則由各部頒職掌責任專章以取畫一以上皆爲補助官各直轄於其長官仍間接受監督於督撫督撫司道各就其職權以內日行之事裁決施行所有奏咨札行之件皆應單銜以專責任而防侵越若遇奉旨交議交查特別之事則督撫隨時召集各司道會議或專就所主管之司道密議議決之後所有奏咨札行之件應由督撫與司道會銜以同擔責任每五日督撫必與司道會議一次互述日行緊要之事俾可接洽如此則分之各盡政事之責任合之可保政權之統一力除昔日敷衍推諉之弊而吏治必蒸蒸日上矣

一加重知府責任而其職權範圍則上據督撫職權之所不能逮下據州縣職權之所不能勝以定之知府之監督州縣不妨嚴而督撫之監督知府則宜寬漢唐州郡世稱善制者少層遞監臨之司無束縛干涉之苦也文景貞元之治實與賢良共之近郡比於股肱上州選及親貴璽書郊餼恩禮甚隆至州牧專兵而郡政壞刺史失職而節

度橫得失之數於此可知況今之州縣爲官自治自治集合之地又擬革除迴避之例任用本省之人則知府監督命令之權尤應加重然後足主上級平決以保官民兩權之均衡近世各國地方區域未有龐大若吾一府而上不接於政府日理民事而下不接於百姓者中國地廣人稠固不能以府職內隸使離督撫監督範圍亦宜略復漢唐之舊委以獨立責任令得自行其意且督撫本以 欽差監臨方面改正官制又將純以督撫代表中央政府而司道平行並立各有專任之職無相統一之權此其性質資格皆不適爲分地而治之長官也是集權必政府爲主體而督撫代表之分權必知府爲主體而督撫監督之無疑義已督撫下行州縣上行之事未有不經知府而後辦者向來緊急公牘督撫知府直達者多其由司道轉詳轉札皆屬例事知府通稟仍惟督撫批示是從與其存此具文何如省一轉折臣愚以爲宜加崇知府體制使與司道平行一省統一權既在督撫則知府直接奉承號令原無礙於司道專任之權蓋司道專任之權督撫尙不能侵而知府承督撫號令乃能侵之無是理也司道之對於知府猶各部之對於督撫昔不以札飭而見司道之權重今豈以咨行而見司道之權輕既在司道專任範圍自有強制執行之力若爲知府獨立責任尤無越俎代庖之權但以直接督撫而得簡捷之益決不至於平行司道而生抗違之弊同爲國家高等官吏何以司道必可信知府必不可信也知府之下雖有同通佐職而規制未能畫一完備宜一律設上佐二員以主地方財政一主國民教育此教養兩大綱也其餘民政分科置吏是爲普通佐官選一郡人望以充之郡職既能獨立郡吏復盛選人才則漢唐之盛可復而新政可冀漸有實效至直隸州廳宜酌區域大小道里遠近并省分隸或升爲府其邊地有交涉屯墾者性質既與內地不同職制職權自應特定不以普通法治之矣

(未完)

## 摺片摘要

度支部奏議覆安徽巡撫奏試辦公債票事正月十六日奉

又奏郎中晏安瀾擬請開去郎中底缺仍以本部候補叅議署理右叅議事同日奉

督辦鹽政處會奏遵 旨酌擬章程事單一件同日奉

又奏酌擬辦事章程事單一件同日奉

旨依議

旨依議

旨依議

旨依議

又奏派委提調參事官等員事同日奉  
東督錫良等奏請以徐鼎康署吉林度支使摺同日奉

旨依議  
硃批著照所請該部知道

### 公牘錄要

薊州唐牧玉書稟開辦巡警教練所情形文附簡章並批

敬稟者竊卑職查立憲第二年期內各州縣巡警必須粗具規模嗣奉 尹憲札開飭將籌辦巡警教練所情形無論已未設立限日切實稟報等因蒙此查卑州城內總局巡警舊有十名前於光緒三十二年曾設學堂傳習四個月畢業嗣因經費支絀停辦其四鄉巡警共計一百八十五名統合城鄉二十八區所有警費悉歸警董經理伏思巡警爲內治根本若非教練得法何以造就警材且事關新政更未便置爲緩圖卑職遵即邀集各區警董悉心研究應先將常年經費切實預算方足以期經久現在議決二十八區分認各區按月繳銀二兩共計經費銀五十六兩作爲所內一切支用由各區定期匯交本所所長官不經手所內出入各款年終榜示通衢用昭大信教練所仍以西門內藥王廟原設巡警學堂舊址改設開辦學舍講堂及一切規模均稱粗具似可毋庸更張以期撙節至教練定額議以三十名爲一班由卑職調取原設各區巡警分班入所教練暫以三個月爲畢業之期頭班畢業再行續調二班輪流教練以一百八十名核計六期即可一律畢業所有應習學科悉照定章教授仍派紳士王汝煥巡警總董爲所長總理全所事務以原充巡官警務畢業生王喆臣爲正教員蕭永堃爲副教員按月支給薪金所內教練警生膳費仍由各區擔任每名每月隨交東錢四十二吊俟將來擴充經費款有裕如再行隨時更定並另募新生教練茲已議定簡章於十二月初一日開辦調取頭班巡警入所教練除由卑職督飭該紳等認真經理以期警務日有起色外所有卑州開辦教練所情形理合繕具簡章稟請 大帥查核俯賜批示立案實爲德便肅此具稟恭請 勛安伏乞 垂鑒

謹將卑州擬訂教練所簡章繕摺恭呈 鈞鑒 計開 第一章 總綱 一名稱 本所統貫闔邑警區全體故名爲薊州巡警教練所 二宗旨 本所遵照定章造就警材爲宗旨 三地址 本所西門內藥王廟原設巡警學堂舊址改設開辦 四經費 本所常年經費仍歸各區分認按月繳銀二兩 第二章 職務 五職員 本

所以地方官爲監督以巡警總董王汝煥爲所長總理合所事宜擔任義務 六教員 本所以原充巡官警務畢業生王喆臣爲正教員蕭永堃爲副教員月支薪水各十二兩書記一員專司所中文牘會計月給薪金四兩 七夫役 本所堂役二名廚夫一名管理堂內茶飯及洒掃等事月給東錢每名四十吊 第三章 所長 八警生 本所照額定各區巡警一百八十名以三十名爲一班分班輪流教練習以三個月爲畢業 九膳費 本所經費支細各區巡警入所教練應每名每月隨交膳費東錢四十二吊 十資格 本所警生應以年在二十五歲以上三十五歲以下身體強壯粗通文理素無嗜好者爲合格 第四章 學科 十一課程 本所按照定章應習學科如左 一國文 二大清違警新律 三警察要旨 四法政淺義 五地方自治大意 六本地地理 七體操 算學 第五章 教課 十二時間 本所授課鐘點悉照定章每一星期爲三十六小時每天授課四班 第六章 則例 十三附則 本所出入各款年終榜示通衢以昭大信至一切細則遵照部章及警務處章程辦理如有未盡事宜隨時會商改良由監督稟詳 上憲核奪施行 督憲陳 批稟摺均悉仰警務處轉飭該州督率教員認真教練務收實效並飭候 順天府尹堂批示繳

肅寧縣李令士田稟辦理禁煙情形文並批

敬稟者竊禁煙爲近今要政禁種禁吸禁賣三事頭緒紛繁稽查匪易自非實心實力不克起陷溺而收實效卑職於二月間將禁種淨絕情形詳稟鈞鑒在案五月間又將查禁情形續稟一次謬荷禁煙總局批示嘉獎惶悚益深卑職痛念吾民受害之深前途關係之鉅加以考成所關曷敢不殫心竭力認真奉行以期仰副 憲台轉弱爲強之至意茲將五月後查禁情形敬爲 憲台陳之查卑縣種煙區域向以大史堤等十三村莊爲最多其餘零星種戶亦復所在多有去年業已查禁淨絕改種棉花頗多收成亦佳逮至秋間罌粟佈種之期深恐愚民無知戀惜種煙厚利違禁私種巧爲嘗試卑職廣爲出示凡有查出種罌粟地畝地則充公人則懲罰剴切曉諭一面復派馬巡並飭各區巡警認真搜查雖荒園僻野無處弗到鄉民咸知查禁嚴密恪守功令目下實無違犯私種之處至禁吸尤爲禁煙根本要圖自以調查吸戶勸令斷戒爲扼要辦法前經查明境內吸戶共三百七十人予限斷戒除領牌照吸戶外陸續到縣投具保結斷戒者一百五十三人嗣由縣具結斷戒者四十一人惟積癮已深難保無已戒復

吸及隱匿或漏查之人卑職隨時派人嚴查分別懲罰嗣於七月間復飭各區戒煙社巡警會同各村鄉地切實復查去後並蒙禁煙總局札飭嚴查吸戶分別列表報告等因茲據巡警局查明除業已具結及病故並外出未歸吸戶外實計已戒吸戶九十八人又查出從前私吸各戶現在補領牌照劉熬子等三十八名連舊有秋季吸戶領冬季牌照張鳳祥等七名共領牌照吸戶四十五名業經列表另文報告其已戒各吸戶現經卑職稟傳到案察訊或實已斷戒或形尚可疑分別取保懲罰並暫發習藝所驗看此外貧民小竊因案押令斷戒者亦屬不少並飭各區戒煙分社廣施方藥卑職撰成戒煙淺歌謄印四千餘張到處分散以資勸導並令宣講員及各村村正副隨時為鄉民講說現在訪諸紳民父老均稱吸煙之人實已十去八九矣至卑縣煙店僅有西關領照繳捐之文華成一家四鄉村鎮實無未領憑照敢於公然賣煙之人惟貧民愚氓藉此影射圖沾蠅頭形踪詭秘稽查之難如緝盜然惟有覓線厚賞以策有功確取憑據以防誣陷計查獲私賣十一起亦經分別懲罰有案卑縣自五月後分別查禁之實在情形也現在風氣所樹懲勸兼施小民咸畏禁令之嚴明並知禁煙之為善均各翻然改圖滌除舊染廓清漸有可望各巡官區長等各實心從事奉令守法察看民情安謐毫無騷擾情事堪以仰慰 憲廩亦初非卑職始願所及除仍由卑職嚴查勤勸實力奉行不敢稍涉疏懈務期早除沉毒而蘇民困外所有卑縣禁煙實在情形理合懇請 大帥查核示遵肅此具稟恭叩 勛安伏乞 垂鑒

督憲陳 批據稟已悉該令辦理尙屬認真應仍切實查禁毋稍疏懈仰禁煙局轉飭遵照戒煙歌存此繳

雄縣張令允瀚詳文生郭乃昌等稟請轉詳保留大清北岸民埕各守各堤以符定章文並批

為據情轉詳事案據卑縣文生郭乃昌董濯江劉廷漢宋學濂劉彥庭龐鍾秀王汝舟楊立德張杏泉張鴻文陳居和胡立程貢生謝占元劉濟仁職員孫永田蕭墨林李殿輝李永清武生李焜楊潔李鳳岐民人董鳳鳴徐尊榮董寶瑞劉佐清周德方劉步雲田喜和劉福堂郭祥等稟稱為害及鄰封保留民埕懇恩轉詳批示各守各堤以符舊章而重民命事竊生等數十村莊與保定縣接壤同以大清河北岸為保障且大清河上起涿州下通霸州雄邑與保邑連段官督民修由來已久有卷可查不意文安縣劉竹林等狃於私見以保邑清河之北埕有礙南堤屢次捏詞上控稟請剷除不知保邑清河河北岸與雄邑清河之北岸原係一堤此堤一剷不特保邑之民餬口無資卽生等

數十村莊亦盡成澤國近而雄邑之北岸徒修無益遠而新城涿州之堤亦成虛設廢工害民莫此爲甚至於國課賑撫更不待言矣事關大局豈獨保定一邑獨受其害況伊等所謂北岸有礙南堤北岸不剷當伏秋汛漲南岸必至沖決不知北岸爲順水之堤且遜於南岸數尺水不漲發則安流順軌以達東淀卽河流洶湧之時水未及南岸堤身而北岸已漫溢堤頂水勢旣由北岸宣洩南岸復何有沖決之虞所謂北岸有礙於南堤者顯係捏詞南岸旣爲官堤固宜加意鄭重北岸亦民生攸賴亦應一體保全生等爲身家性命起見不得不叩懇恩准轉詳批示立案各守各堤以符舊章不特生等感恩新雄霸保四州縣之民均感大德無旣矣等情據此卑職覆查無異擬合據情具文詳請 憲台查核俯賜批示祇遵實爲公便爲此備由具册具呈伏乞 照詳施行

督憲陳 批據詳已悉查此案迭經 順天府尹來咨及霸州來稟均經批行天津道委員會勘由道妥擬詳辦在案據詳前情仍仰該道併案辦理詳抄發此繳

## 文告錄要

督憲批示錄要○鉅鹿縣葛令龍三稟推廣學堂暨開辦觀摩會由 批稟册均悉仰提學司卽飭該縣督率各教

員務須遵章認真教授以期完備此繳

保定禁煙分局榜示○爲榜示事照得本分局改定新章每月終將查獲煙犯案由罰數榜示局門茲查宣統元年十二月分本局暨巡警局查獲煙犯呈交罰款者九起自應按照新章將姓名案由罰款數目合彙榜示俾衆周知而昭實信須至榜者 計開 一恒泰昌土店掌櫃李恒泰因私賣與無票之阮洛墨煙土四兩得洋三元判罰銀洋一百五十元 一阮洛墨因私買李恒泰煙土四兩熬膏賣與安順煙泡八個得銅元二十四枚呈交罰洋三十元京錢二十四吊其餘無力呈交照章折罰苦工 一王貴因借照吸煙判罰銀洋五元 一盧占元因私賣與鍾四德煙泡十一個得銅元六十六枚呈交京錢十千文其餘之數無力呈交照章折罰苦工 一陳洛福因私買薛少春煙泡判罰銀洋五元 一車鴻恩因開燈供客私吸大煙呈交銀洋三十元其餘之數無力呈交照章折罰苦工 一劉洛岩因在車鴻恩處私吸大煙判罰銀洋五元 一張振綱因在車鴻恩處私吸大煙判罰銀洋五元 一復豐厚土店舖夥盧蘭普因不驗牌照賣與車鴻恩煙膏計得銅元二十枚判罰京錢二十

千文

### 畿輔近事

官場紀要○督憲遵於今日卯刻開印闔津司道以下文武印委各官均赴 督院叩謁

詳請監盤庫存軍械○督憲據軍械局詳稱竊照職局存儲軍械等項支發款目關係重要凡遇前後總辦交接擬

請比照地方州縣交代章程稟請 委派大員會同監盤以昭慎重職道卑府爲慎重公事起見是否有當理合

具文詳請 憲台鑒核批示飭遵實爲公便爲此備由具詳伏乞 照詳施行當經批示云據詳已悉應准如擬

辦理候委清河段道前往會同監盤以昭慎重繳

開會試驗科學○天津理學會諸同人於十五日上午假河北軍醫學堂試驗各種科學中西人士到有數百人是

日所試驗者爲蛤蟆心動之縮放水質淨穢之比較及水中之黴菌與衛生之關係又大腸背疽霍亂傷寒膿

瘡各症之黴菌又以劣惡之磚建築房間多吸濕氣與衛生之關係又各動物腦質與人類腦質大小之比較及

作用中國各種自造動物之模型又以顯微鏡察看蠅舌蠅足及人畜血質並礦質等又演試透骨鏡及各種空

氣壓力器與全國各項礦物之比較時至正午振鈴散會

兩江中學堂招生○保定兩江中學堂附設兩等小學堂招考揀班學生廣告云啓者本月十五日起在本堂報名

至二十二日截止毋悞特告

### 各省近事

政治

恭送鄂督之頌詞○旅滬八旗順直商界同鄉在八旗順直會館開會議送鄂督瑞制軍頌詞云 今上御極之

初元滿洲博爾濟吉特氏恕齋制軍由蘇藩膺 特簡鎮撫三吳不數月間復被權督兩湖之 命符符入

觀道出滬濱距公司權是邦僅兩年耳甘棠憩愛翦拜留思聯袂倚裳奔走餞送蓋有日不暇給之勢焉商

等僑寓華離久叨粉蔭私忱依戀尤倍恒情其可寂無一言以佐驪唱乎惟公以三恪之遺冠百族之上攀鱗附

翼疊組重珪而三后開基風高任媿慶流威晚皆出華宗厥後將相比肩公侯接踵紫囊入侍屢締於天姻赤闕

下臨羣推乎地望雖兩漢之許史馬鄧六朝之王謝崔盧閻相誇固莫得並駕歟公起家郎署出擁轡軒宦轍周巡類在大江左右所至輿利除害戢暴懲貪若創南昌之警察定樂平之民變上海公堂之案太湖清鄉之舉皆公精力所萃尤其瑩瑩大者家供生佛戶頌福星非偶然也惟是公所設施人皆見之公之心迹人罕知之公以清介持躬以勤敏行政以大公無我與吏民相周旋而愉大局之日迫傷共濟之無人未嘗不憤世疾時痛恨而繼以太息是其忠義奮發出於至誠不以一身之進退爲榮辱而以天下之安危爲憂樂古所謂社稷臣者今於公見之矣茲當首塗北上晝接承息伏奏青蒲嘉謨入告作中天之一柱江漢澄波挽海水之橫飛乾坤再奠盈盈極浦出門開西笑之顏喁喁羣情丐澤仰東流之注將以是行卜之斯則邦家之福不僅閭里之光已敢進一觴敬爲公壽 瑞制軍答詞云瑞激自丙午以來宦轍所至由滬而蘇四年於茲矣時時得與同鄉諸君周旋而晉接之至爲慰幸今者諸君以瑞激拜 命移督湖湘且先入 覬特開盛會以寵其行諸君所以獎飾而督教者至渥且周感媿交集敢謹念之且念近日我國商業之現勢以鐵道航路之便利由南漸趨於北惟握商業實權不在同業之競爭而在外情之練習尤當先其所急規其所大用以恢振實業揚厲國光此瑞激矯首企踵於諸君者想諸君亦必熟籌而深計之行將別矣瑞激惟祝諸君進德修業如歲之新則不僅上海一隅商界前途之光采抑亦我鄉人禱祝以求者也感佩嘉誼用貢其愚瑞激敬謝

### 學 務

衛生獸醫學堂畢業○南洋陸軍衛生及獸醫兩學堂已於去臘畢業茲將其最優等名次錄下 衛生科 李敦九 錢斌 沈祖鍊 稽儲琮 王洵 蔣彬 獸醫科 王驥 蕭理誠 楊翰 劉金甲 周復培 吳鼎醫學公會批准立案○去冬旅居上海諸醫士聞 民政部已頒有取締醫生規則擬在滬設一總機關使通國醫士得以會合研究藉謀醫學進化之方針嗣商准三牌樓醫學報主筆王問樵君卽在該館創立一醫學公會每年開大會二次討論各項辦法並將該報改名曰醫學公報經經濟筆墨亦允歸公同擔認除公擬章程宣佈外特聯名稟請江督立案業蒙批示如稟立案摺開章程亦尙妥洽仰上海道轉飭會合研究期收實效仍補稟撫部院暨候批示摺存

實業

福建出品協會紀事○福建出品協會籌辦以來不遺餘力除調查員徵集各府州縣出產品外尚有各處陸續送到者秋間已由陳少南大令資款前赴南洋建築福建別館約費萬餘元器備三千餘元預爲本年四月朔賽會開幕之用閩中展覽會期定本年二月初一日在南台大廟山開會集全省之出產品資爲陳賽其盛況可於今日卜之

查報農事試驗場地畝○浙省農事試驗場改擇於清泰門園地方現由勸業道札知仁和縣蘇大令諭飭該地里書丈量統計是處地田蕩三頃一百四十八畝一分六釐內計三十八戶平屋十三間百十六椽暗閣十二椽草舍六十間造具房舍地畝清冊業由蘇善卿大令詳報憲轅請爲察核查照

各國新聞

英國組織汽艇航路○倫敦電云英政府現在提議建造飛艇運送搭客航行英國海峽以免風浪之險比國議員反對政府○倫敦電云比時京城電稱比利時國社會黨首領現致書於議院反對比政府對於剛果之政策謂政府專用欺飾手段恐將來必損利權云

英國決議擴充海軍○倫敦電云英國海軍部現在議定再添造德瑞納提號式之大戰艦四艘或六艘前任美總統之行程○倫敦電云美國前總統盧斯福氏現在行抵埃及尼羅河口之甘徒克魯地方定於西六月十五號抵紐約現美政府派員數人代表全國預備歡迎盧氏當即電致公會議長司泰瓦德氏謂伊決無再爲總統之思想亦不願再入政界惟願充報界記者云

美國擬選探險隊長○紐約電云美國南極探險隊定於西十一月由紐約啓程巴爾利德氏現派爲探險船之管帶其隊長尙未選定目下正在物色人材聞美國地理協會電達前總統盧斯福氏請充南極探險隊長盧氏已電辭矣

德美關稅條約議結○紐約電云德美兩國關稅條約現已議結德美兩國可免商戰之虞德政府允許美總統之要求美國亦允許減收德國入美貨稅

一陳請本省諮議局對於順天行政權限應如何辦理以謀統一案 案照本省諮議局既稱順直則諮議局第二十一條所載各項權限自包括順天一併在內無可疑義查第二十二條所載諮議局議定可行事件呈候督撫公布施行又第二十五條所載各款議案應由督撫先期起草又第二十六條所載諮議局於本省行政事件如有疑問得呈請督撫批答又第二十八條所載本省官紳如有納賄及違法等事諮議局得指明確據呈候督撫查辦各等條所謂督撫者在直隸省自指總督一人而言所謂公布施行先期起草批答疑問查辦違法納賄者自是總督一人應有之權限惟對於順天一府別設府尹與總督立於並行之地位若遇前條各項關於順天者概請總督一人執行權力既不完全遇事每多阻滯若兼請府尹執行其駐紮處所本不同城局章既未規定辦法亦難昭劃一况諮議局常年會期僅四十日臨時會會期僅二十日若待往返咨商為期甚促勢必至一事不辦而後可至熱河所管承德各屬與順天情形畧同事關諮議局對於行政官長辦事統一手續為此公同會議呈請 奏請施行

一陳請籌辦直隸紡紗廠案 竊查中國工藝不興利權外溢洋紗進口尤為我國一大漏卮欲謀抵制之方則設廠紡紗在所難緩近來江蘇湖北河南等省皆已先後設立獨直隸尙付闕如查我直為產棉之區織業又極發達若不設法組織何以挽回利權茲有侍講學士李士鈐監察御史履晉等協同議員組織紡紗廠籌辦處合議集貲百萬創設一廠特以資本過鉅當此風氣未開一時恐難招集議員等公同商定即由籌辦處出名向四省鐵路招股公司於直隸鹽斤加價存儲項下先借用銀五十萬兩作為開辦之費現已措商妥協擬即訂期籌備開廠俟將來股款招齊能將此款歸還固屬甚善否則或辦有成效逐年所得利息陸續歸補借款其餘全用作本省公益事件設若資本損失勢不得不預籌一接濟之法免任事者多生顧慮擬請於鹽斤加價十年定限以外公議展限一年以便償還此款如此則在負擔者所感苦痛無多而於直省實業前途大有裨益祇以事關鹽價展限理合預為聲請立案除籌辦簡章另候繕清呈閱外為此公同會議呈請 核奪施行

### 河南諮議局議決案

一議決規復額徵丁耗舊案 據原案云如能各就各縣畫界整理嚴剔中飽即有流亡逃戶地必尙在亦可情出

招墾 查中飽二字只能屬之官吏書差與民之隱匿逃亡無涉中飽既屬於官吏書差彼其舞弊營私本在衙署暗昧之中今乃欲於四鄉畫界整理此等辦法不問而知其無效卽刁民隱匿亦必串通書吏而後敢爲不拔本塞源徒於枝葉上設法整理匪祇毫無裨益勢必騷擾煩瑣遺害閭閻竊謂此等辦法用以清查逃亡地畝尙覺可行第卽現在本省情形論之丁口滋生漸衆生計程度日高地畝價值比較前數歲增漲十之六七卽有逃亡地畝亦必爲族姓姻婭所占據地既有人代耕糧必有人代完官縱不知差役孰肯放過且民間完糧少遲一經截差差役恒索價數倍其所藉口者豈不在彌補逃亡乎地固仍在糧實不空是畫界整理之法惟可以清查逃亡而實際上固可以不必也現據各議員意見以爲欲規復舊額不在乎清查逃亡而在乎分清果爲民欠與否以定應付之方法而已使果爲民欠則官難辭其咎也使非民欠則中飽之人難謝其責也謹代擬清釐之方法而已使果爲民欠則官難辭其咎也使非民欠則中飽之人難謝其責也謹代擬清釐之方法以補原案之不及其方法如左 一應請撫部院札行有民欠各該州縣嗣後須將欠戶花名造冊申報藩司以備查考 二飭各州縣造具欠戶花名坐落清冊後卽將欠戶姓名榜示城鎮鄉各地方如實在不欠而列名榜上者准其執糧票上控 三各該州縣應設立清查欠戶糧票局由地方自治董事會組織之董事會未成立以前暫以統計處代辦 以上辦法適用於原案指出四十五州縣其他向無民欠者不必牽涉以省煩擾果能切實行之則丁耗缺額之弊果爲民欠與否不難水落石出既查出弊之所在卽可分別設法整頓務絕包攬隱匿中飽之風如是則舊額可復矣

一議決開墾荒地案 查原案大意在將向來河占沙壓匪旱各荒豁免停緩正供之地畝除三十年間開局清查已升科外其餘之二三萬頃亦分別清理籌畫升科以謀財政之增益茲將本局議員所公決者臚陳如左 一不可開局再查 查河南匪荒多在咸同之際旱荒在光緒初年以前河占沙壓雖各處先後不同亦皆歷年久遠三十年開局清查時可耕之地久已漸次開墾故獲此四千餘頃之成數然聞其時已多擾累撤局至今爲日無多若再開局清查恐必至於糜費擾民得不償失 二不可升科納租視爲一例 原案之意對於開墾之田一概以升科爲究竟而以納租爲始基故有初定納租而現應升科云云之文據本局議員意見升科納租宜分

又奏江省禁煙經費請 飭部立案作正開銷片  
東撫袁奏創設簡易識字學塾等片

十七日

江督端等奏遵查江西州縣征收丁漕實在情形摺

護滇督沈奏遵章籌辦各級審判廳摺

魯撫袁奏保荐幕職沈同芳等並請調赴廣東差委片

十八日

署直督那奏陸軍二四兩鎮餉項不敷請 飭部籌撥

摺

民政部奏測繪學堂畢業請獎摺

江督端奏津浦鐵路請修建轉橋片

甘督升奏甘肅皋蘭縣屬新城西固城一帶開渠引水

以工代賑片

鄂督陳奏鄂省遵設自治研究所摺

十九日

大理院奏審明職官勾結衙役人等竊訪未奏事件登

報漁利比例從重定擬摺

二十日

陸軍部奏遵將軍諮處海軍處事宜文卷定期移交摺

東督錫等奏瀝陳江省財政困難情形懇 飭部撥款

摺

魯撫袁奏已故兩廣總督毛鴻賓勤勞卓著懇  
開復並付史館立傳摺

二十一日

署直督那奏請獎辦理洋務期滿各員摺

又奏請獎辦理洋務出力道員片

署魯撫孫署粵督袁奏籌辦憲政情形摺

二十二日

學部奏酌擬考試畢業游學生章程摺

東督錫等奏請以錦新道改爲錦新營口等處分巡兵

備道並頒發關防片

江督端等奏中書尹克昌銀行虧款請革追片

蘇撫瑞奏請將淺水巡艦合一聯隊摺

二十三日

農工商部奏酌擬籤分到部各項小京官暨奏咨札調

人員分別辦理摺

又奏山東濟南府設立農務總會請立案並發給關防

摺

粵督張奏籌辦諮議局情形摺

蘇撫瑞奏上海龍門初級師範畢業請獎摺

二十四日

署直督那奏直順工賑要需請將原辦賑捐展限一年

摺

度支部奏議覆鄂督奏請停解廣西邊餉并將上年欠餉免其補解均難照准摺

順天府奏庫存用贖截留旗產及歷年節省銀兩留作

貼補兵餉片

東督錫等奏投効江省人員擇尤續請留省摺

粵督張奏籌助香港設校經費辦理情形摺

二十五日

署直督那奏北運河修治需款請由部省分籌摺

吏部奏翰林院截取滿漢一律辦理片

度支部奏議覆豫撫奏撥補九江貨釐仍請改撥勿庸

議摺

學部奏遵章將留部人員改以員外郎候補摺

二十六日

署直督那奏永平府屬鹽局被搶獲犯訊擬並將辦理

不善各員分別叅處摺

又奏建築諮議局動用款項等片

度支部會奏議覆東督奏請銷餘銀兩礙難照准請

飭分案詳細開單送部摺

二十七日

東督錫奏遵旨考察東三省情形裁併差缺撙節經

費摺

又奏請升民政部爲從二品仿照布政使並管廳以下

升調補署片

又奏吉江兩省會奏事件分別例行特別辦法片

二十八日

度支部奏議覆署直督奏陸軍二四兩鎮餉項不敷懇

由部撥摺

署直督那奏永定河道呂佩芬設立河工研究所請立

案片

又奏請將開復原銜奉天委用同知俞泰初等開復原

官片

粵督張奏請將已故大員馬丕瑤等事蹟宣付史館立

傳摺

二十九日

農工商部會奏藝徒學堂課程較高擬請改爲中初兩

等工業學堂摺

調補江督粵督張奏調員赴甯差遣摺

又奏查明桂泉王芝祥等叅款摺

三十日

學部奏京師大學堂預備師範兩科學生畢業請獎摺  
又奏大學堂學生方彥忱等分別提升等第片





圖 之 田 麼 京 東 本 日

醫藥罔效

香港某會患筋系疼痛血氣衰弱胃部失調以及大便久塞等症為韋廉士大醫生紅色補丸所治愈此難症也醫生醫院皆為之束手然韋廉士大醫生紅色補丸竟能治愈之此丸二十年以來使天下各處病人復原康健者曾不下數千萬計矣茲將近日香港趙君士杰所遺證書譯錄如左趙君寓於香港城隍街第一號門牌為縫衣機器並經理布疋之連安公司夥友也其言曰○余去歲授室後即患腦筋疼痛之症左偏更甚抱此慘苦約計數月其痛甚烈常如斧削甚至不能啓夜間不克安睡又兼血氣衰弱面色痿黃眼皮下垂目精昏花

治愈趙君各疾者乃真韋廉士大醫



胃假戲影防謹樣真明認細仔  
胃部失調弱不化飯後常欲嘔吐  
更兼大便塞結甚至一星期中僅便  
一次稍行數步輒覺乏力身衰如此  
數行更覺頭暈量必須雙手捧首靜  
片時頸骨與津核常覺麻木手足強  
硬而痛如此情形經累月遍服華  
藥毫不見效於是就醫於西國醫院  
雖承西醫用盡妙法細心調理而於  
余疾仍無少減後有西醫勸服韋廉  
士大醫生紅色補丸連服數瓶便獲  
全愈腦筋疼痛頓止其餘各疾亦皆  
全消今者余身甚為康健且自服肌  
膚豐滿體質加重矣韋廉士大醫

香港趙君士杰君自述其患筋系疼痛各症為韋廉士大醫生紅色補丸所治愈

生紅色補丸并非紅衣紅血等丸也

生紅色補丸為醫治一切由血不潔或血軟弱以及腦筋失調所起各症之良方其聲名洋溢天下各處已歷二十餘年固為醫學家所素知補血補腦之聖藥也曾醫治無數之人所患血薄氣衰諸虛百損少年虧損背骨疼痛萎不舉筋系刺痛腎疼痠痛左癱右瘓脚氣衝心跳舞瘋病胃不消化肝經失調背骨疼痛山林瘴氣乾濕癬癩瘰癧陰疽皮膚諸症以及婦女經水不調血痞氣塊等症無靈驗如神天下各處大藥房均有出售或直向上海四川路第八十四號福利公司隔壁韋廉士大醫生藥局中國總發行或向四川重慶白象街分局購買亦可價銀每一瓶大洋一元五角每六瓶大洋八元遠近郵費一律不取

上海四川路第八十四號韋廉士大醫生藥局啓

### 北洋師範學堂招考自費生廣告

本堂專修科畢業明歲添設優級全科初級師範補習科招收官費各生均經分別詳咨督憲提學司通飭各屬并分咨山東山西河南東三省選送在案惟津地五方聚處外省人士志在嚮學者頗不乏人茲特查照舊章每科招攷自費生十名如有志入學者應即遵照後開條例來堂報名聽候定期考試勿誤為要

**一分科(甲)優級全科(乙)初級師範補習科**

**一資格** 不拘籍貫(甲)科中學堂及初級師範完全科畢業者(乙)科初級簡易二年以上畢業報司有案者

**一獎勵** 與官費生一律無異

**一報名** 自宣統元年十二月二十日起至宣統二年正月二十日止親到本堂呈驗文憑備具像片填寫履歷

**一考試** (甲)科按照中學堂及初級師範課程考試(乙)科按照初級師範簡易科二年課程考試錄取後應即取具妥實保人保證書備案

**一學膳費** 全年九十六元每年分正月七月兩次繳納書籍操衣均自備

**一地址** 天津河北新開河

### 北洋師範學堂添設優級全科廣告

本學堂添招優級全科學生當經咨請 提學司通飭各屬文送在案諸生如有志入學者務即於定期以內呈請各該地方官備文申送幸勿自誤茲擬定條例如左

**一學額** 百二十名

**一學科** 按照部章辦理

**一資格** 曾在中學堂及初級師範全科畢業

**一獎勵** 俟畢業後查照定章請獎

**一報名** 自宣統元年十二月二十日起至宣統二年正月二十日止親到本堂投文呈驗憑照并各具像片一張填寫履歷聽候定期考試

**一考試** 按照初級全科及中學堂各科功課程度分科考驗錄取後應繳呈保證全十元俟畢業後發還

**一學膳費** 官費 **一書籍** 摻衣自備 **一地址** 天津河北新開河

新 啟  
告廣司公限有灰洋



啓者本公司係承受唐山洋灰公司老廠另購外洋最新式機器旋窰等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精曾寄由德國國家栢林及日本關東都督府各化驗所驗得勁力堅力及凝結時刻灰之粗細均合要工所用其成色與外洋最高之貨相等尚有機器製造之缸磚花磚洋灰瓦水溝管矸子土等項無論躉零交易均可本公司總理處設在天津海大道英租界並在北京奉天大連煙台牛莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各種磚瓦等件重量式樣大概用法另刊有華洋文廣告 光顧諸君請向本公司索閱面議一切可也

德律風一千三百零九號

利 源

本行開設天津上海香港志呢華海參巖等處均設立有年諸班貨物由外洋本機器廠自造法蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表鍊金鑲珠寶鑽石戒指留耳墜鐲子表墜大小八音盒並留聲話匣單雙桶千里眼磁蘭磨花穿衣鏡妝梳洋鏡大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行面議可也 本主人啓

瑞林祥元記  
綢緞洋貨莊

本行開設北京前門外鮮魚口天津估衣街中間路北山東濟南府院西路北自置綢緞紗羅顧繡粧蟒洋貨布疋各色喇噠厚呢京廣什貨俱全貨高價廉劃一不二後廳內專售緞貨織絨袍料衣包被套口袋線毯毛毯零賣均照行價發兌中外 紳商賜顧移玉是幸 瑞林祥元記具

武 齋 洋 行

本行開設天津 於茲二十餘年 自運各種洋貨 絨紗布匹綢緞 繡花屏風鏡額 磁銅料器珞藍 奇巧美術玩器 學界文房用品 旋行携帶等件 精工變身物料 定織各色帶氈 現又擴充樓房 極其寬闊高大 如蒙官商光顧 價值格外從廉 本行隨便入覽 電話一千三百七十四號 天津法租界 武齋洋行謹啓

# 天津商務印書館廣告

謹贈月份牌  
五月份牌

歲逢庚戌萬象更新本館特製月份牌一種文雅富麗兼擅其勝專備

購書

諸君贈品以助雅興凡購本館書籍圖書

滿現洋一二元者謹贈月

份牌一張滿四元者二張餘可類推不滿二元者不贈訂定正月初十日贈起至二月初十日止 如期內業已送完則當改贈他書臨時再行佈告

敬書目提要

本館創辦十餘年編譯書籍將及千種茲特印成書目提要一册欲閱者請向本館索取遠地函索即當寄奉附 郵票購書章程 凡值信局郵局不能匯兌款

項之處其書價及寄費可用郵票為代辦法如下(甲)郵票以一角二角者為限如有零數可將一二分者合足三角以上之郵票不收(乙)郵票抵實洋以九五折計算如寄郵票一元僅能購書九角五分(丙)郵票有污損及不能揭開者不收(丁)寄費照書價加一成(戊)寄費至少須五分

商務印書館啟

天津分館開設河北大胡同 電話五百二十六號

# 北洋股票交通有限公司遷移廣告

逕啟者敝公司於光緒三十四年十一月間詳蒙

北洋大臣批准設立其宗旨在於流通股票行用利便期人人勃起股分思想俾實業有逐漸發達之機而免貿易無門入股者因而觀望溯自開辦以來交易甚夥成效頗著誠為始料所不及惟原借北馬路售品總所本係權為會議辦公之區其房屋稍覺窄狹不足以昭接待來賓之誠意今准於宣統二年正月初一日遷移北馬路北洋天津銀號門內面北樓上房間較前寬大遇有出進股票者接洽頗形方便特此登報聲明即請 光顧諸君移玉是幸

北洋股票交通有限公司謹白

## 天津銀號廣告

本銀號代辦直隸公債所有光緒三十二三四等年宣統元年第一二三四等年各期應付本利銀兩業經照數分付並廣登告白各在案茲值本年宣統二年正月杪為公債第五年第一期滿給還本利之期即係原訂光緒三十六年期限凡天津各票主請查照章程第七條持票至本銀號核取本年第一期本利銀兩且期滿之票並可任便抵納地丁錢糧鹽課關稅及各稅捐已詳請督憲照 奏准章程通飭各屬不准留難需索務即持票兌取現銀毋得自悞再如有本埠上四年到期未經支取本利銀兩各票亦可到本銀號驗票續發特此佈告

# 本局廣告

本局承辦印刷研究  
 精良近益不惜重資  
 延聘外洋著名工師  
 添購新式機器精製  
 雕刻銅版所有承印  
 各種紙幣股票等件  
 圖畫精巧色澤鮮明  
 紙質堅緻屢蒙中外  
 官商照顧頗加獎  
 譽茲為推廣招徠起  
 見自本年承印各  
 項價目格外減讓以  
 副官商雅意如蒙  
 賜顧請至本局賬  
 房面議可也

## 北洋灤州官鑛公司開收第二期股本廣告

啓者本公司原招股本係分兩期核收分填天字地字兩項股票茲特定  
 期將地字股本收足自本年正月十五日起望持天字股票為憑以便驗  
 票收款天津本埠以三個月為限交法界五號路十四號門牌本公司總  
 理處其外埠較遠以五個月為限仍交各處天津分銀號均先發執照一  
 個月後換取地字股票如逾限不交當查照本公司招股章程第十七條  
 辦理合先聲明此啓

### 左龔集出版

近揚州劉申叔先生師培將平昔考訂經史之文編為左龔集刊板印行  
 書計六册刻工印工均臻美善定價三元五角寄售處北京琉璃廠二酉  
 齋天津東門外襪子大胡同寶森堂書鋪  
 國學保存會啓

### 京奉鐵路緊要廣告

本局現定得宣統二年正月初六日即西歷一千九百十年二月十五號  
 起所有短期免票一律改換顏色其從前所發之短期免票無論逾期與  
 否一概作廢特此廣告